

## PATRI

Ora  
ru' passi ri terra !  
Cci pïenzu  
e quannu cci tuòrnu  
aruci l' erba ca crisci  
suspìra ri paci  
unni  
gn juòrnu amaru  
a to sira pusàmmu.

Iu  
piatùsu cci trasu  
e ntê pugna  
se i ita luònchi rô parmu mi rapi  
ancora ppi n'ura  
simenza ti cièrcu  
fatica ê rinòccia  
e a pena ntô spècciu rô còri nta-ll'uòcci  
e ntô làbbu sàgghji i paroli  
acciùì mutu  
ca pïenzi.

Ma se attientu  
sientu  
ri nciànu a ta vuci  
e se l'armu gghìru a la luci  
e i manu,  
gn jàutu  
vistùtu r'atèrnu ti viru,  
n cièlu c'abbuòli,  
patri.

E tòrnunu i jòrna,  
ddhi jòrna ca u surùri m'ansignàsti rô pani  
e u sapùri rô sali,  
ca ntê surca râ vita ciàntunu  
a simenza ca vali.

E ora  
ca jènnu lu passu  
s'annùci a stasciùni r'aitàti  
iu ùmm'ra e tu luci  
ccô mmièrnu ca arriva  
sièmu frati.

---

PADRE -.Ora / due passi di terra ! / Ci penso / e quando vi torno / dolce l'erba che cresce / traspira di pace / là dove / un giorno amaro / la tua sera posammo // Io / pietoso vi entro / e nei pugni / se le dita lunghe del palmo mi apri / ancora un'ora / semenza ti cerco / fatica ai ginocchi / e la pena, allo specchio del cuore, negli occhi / e sul labbro sagge le parole / ormai muto / che pensi. / Ma se ascolto / sento / da fuori la tua voce / e se l'animo volgo alla luce / e le mani / in alto / vestito d'eterno ti vedo / in cielo che voli / padre. // E tornano i giorni / quei giorni che il sudore m'insegnasti del pane / e il sapore del sale / che nel solco della vita piantano / il seme che vale. / E ora / che spingendo il passo / s'addolcisce la stagione dell'età / io ombra e tu luce / coll'inverno che arriva / saremo fratelli .